

En punct ò mantgea pigl resultat maximal

Gion Nutegn Stgier/FMR

Aint igl district da teir Alvra/Surses on 143 tiradours e tiradouras sagetto igls 18 colps digl teir campester. La victorgia d'Urs Brazerol sen la distanza da 300 meters è nigna sorpresa. Persiva è igl success da Severin Torsten sen la distanza da 25 meters bagn ena sorpresa.

Igl teir campester 2022 ò sviglia aint igl Grischun igl interess da 3 023 tiradours e tiradouras. An cumparaziun cun la participaziun agl teir campester 2021 èn chegl 32 participants e participantas daple. Do igl maximum da 72 puncts ègl aint igl noss cantun an tot quatter gedas e tottas quatter gedas sen la distanza da 300 meter. Gia chel cletg da far chel resultat maximal on Carl Frischknecht (Tumegl), Tarcisi Cadruvi (Ruschein), Luca Hohenegger (Müstair) ed Alessio Sala (Poschiavo). Chegl vot deir tgi fatg chel resultat igl pi ot pussebel on dus tiradours rutinos e dus tiradours giovens. Sen la distanza da 25 meters ègl do, vurdo cantunal, nign maximum da 180 puncts. Mantganto da far chel resultat maximal angal per en punct ò Bruno Battaglia (Coira).



En sulet punct ò mantgea ad Urs Brazerol per far igl maximum da 72 puncts.



Migler tiradour da Surses tigl teir campester: Gila Cadotsch.



Tratg igl migler a Rona sen la distanza da 300 meters ò Gion Otto Jäger.



Sto anvido digl BSV a Rona ed er sagetto igl campester: Leo Thomann, igl mastral digl cumejn da Surses. Fotos Gion Nutegn Stgier

Rangaziun 300 meters

1. Urs Brazerol, Farrera, 71 puncts,
2. Agnes Bütikofer, Farrera, 69,
3. Gila Cadotsch, Savognin, 68,
4. Johannes Tomaschett, Filisour, 68,
5. Christian Kluser, Parpan, 68,
6. Gion Otto Jäger, Sur, 68,
7. Ralph Eschle, Farrera/Thun, 68,
8. Roger Janett, Tinizong, 68,
9. Nicolo Nobs, Filisour, 68,
10. Markus Peng, Filisour, 67,
11. René Frauenfelder, Mot, 67,
12. Stephanie Balzer, Alvagni, 67,
13. Leandro Jäger, Sur, 67,
14. Pia Eschle, Farrera/Thun, 66,
15. Sandro Mani, Farrera, 66,
16. Benno Gruber, Farrera, 66,
17. Fabian Peng, Filisour, 66,
18. Theodor Jäger, Cunter, 65,
19. Romeo Poltera, Savognin, 65,
20. Bernhard Poltera, Son Murezza, 65,
21. Ignaz Netzer, Cunter, 65.

En treis ainten la davosa seria

Ainten la regiun Alvra è nia tratg igl teir campester ainten dus lis. A Crappa Naira sen la distanza da 300 meters ed a Rona sen las distanzas da 300 meters e da 25 meters. Sagetto igls 18 colps on an Surmeir 143 omens e donnas. Cun chel domber a tiradours e tiradouras è chel ple u manc sto identic cun chel digl teir campester 2021. Nign resultat maximal ègl damai do a Crappa Naira ed a Rona sen la distanza da 300 meters. Mantganto da far 72 puncts e chegl angal per en sulet punct ò Urs Brazerol (Farrera). Igl migler tiradour da Surmeir, tg'ò 58 onns, ò betg fatg igl reultat maximal cun screiver aint igl ampren schoz dalla davosa seria da seis schozs en treis. Detg oter igl 13avel schoz è betg sto en quatter scu igls oters 12, mabagn «angal» en treis. Schiglio ò igl matscheur sagetto 17 quatters

da fila. Per Urs Brazerol èn igls 71 puncts stos igls sagond miglers puncts tigl teir campester. Igl 2016 è el sto cun Robert Studer (Castrisch) egn da chels dus tiradours tgi ò gia fatg igl maximum tigl teir campester.

Rangaziun 25 meters

1. Severin Torsten, Savognin, 172 puncts,
2. Anna Marugg, Coira, 171,
3. Lars Färber, Favogn, 169,
4. Curdin Nicca, Savognin, 168,
5. Claudio Brazerol, Farrera, 165,
6. Linard Jäger, Cunter, 165,
7. Domenic Jäger, Beiva, 164,
8. Rudolf Schwendeler, Landquart, 164,
9. Martin Müller, Barvogn, 164.